

庶物類纂

果屬  
自十六至十七

容

第百七十三函

太政官文庫			
和書門	特別類	一二三六二號	第五十五番函
			四六五册



內閣文庫		
番號	和	32362
冊數	465 (423)	
函號	54	1



Kodak Gray Scale

A 1 2 3 4 5 6 M 8 9 10 11 12 13 14 15 B 17 18 19




© Kodak, 2007 TM: Kodak



図404

三十三



庶物類纂果屬卷之十六目次


海紅  
海棠



南海棠

山海棠


棠梨




庶物類纂 卷之十六

果屬目次

本草綱目 卷二十一



海棠



燕物類纂 卷二十一

果屬 海棠

一

海棠

海棠有四種皆木本貼梗海棠叢生花如胭脂垂絲海棠樹生柔枝長蒂花色淺紅又有枝梗畧堅花色稍紅者名西府海棠有生子如木瓜可食者名木瓜海棠海棠盛于蜀而秦中次之其株修然出塵俯視衆芳有超群絕類之勢而其花甚豐其葉甚茂其枝甚柔望之綽約如處女非若他花冶容不正者比蓋色之美者惟海棠視之如淺絳外萼英數點如深胭脂此詩家所以難爲狀也以其有色無香故唐相賈

耽著花譜以為花中神仙南海海棠枝多屈曲有刺如杜梨花繁盛開稍早四季花灌生花紅如燕脂無木木即貼梗又曰祝家桃花同西府跗微堅一種黃者木性類海棠青葉微圓而深光滑不相類花半開鶯黃色盛開漸淺紅矣又貼梗海棠花五出初極紅如燕脂點點然及開則漸成纈暈至落則若宿妝淡粉矣葉間或三或五蕊如金粟鬚如紫絲實如梨大如櫻桃至秋熟可食其味甘而微酸明王蓋臣二如亭群芳譜栽接海棠性多類梨核生者十數年方有花都下接

工多以嫩枝附梨而贅之則易茂種宜壩壤膏沃之地貼梗海棠臘月于根傍開小溝攀枝著地以肥土壅之自能生根來年十月截斷二月移栽櫻桃接貼梗則成垂絲梨樹接貼梗則成西府又春月取根側小本種之亦易活或云以西河柳接亦可海棠色紅接以木瓜則色白亦可以枝挿不花取已花之木納于根跗間即花花謝結子翦去來年花盛而無葉同上澆灌瑣碎錄海棠花欲鮮而盛于冬至日早以糟水澆根下或肥水澆或盪過麻屑糞土壅培根下使之

厚密纔到春暖則枝葉自然大發著花亦繁密矣一云此花無香而畏臭故不宜灌糞一云惟貼梗忌糞西府垂絲亦不甚忌止惡純濃者耳同上

挿瓶薄荷包根或以薄荷水養之則花開耐久同上

海棠花最艷麗凡三種單葉深紅者曰鐵梗便民圖纂云鐵梗者色如臙脂松江府志云磬口深紅綴枝作花者名貼梗海棠則又名貼梗矣貼梗與木瓜花相似而不結子故木瓜亦冒海棠之名木瓜葉粗花先開貼梗葉細花後開以此為別單葉桃紅者曰西

府初開時嬌媚無比與錦帶色相似而西府尤勝稍久則漸潦倒不足觀已結實如小花紅秋深始熟味酢而澀沈立作海棠記指此范石湖所狀金林檎疑卽此也多葉粉紅者曰垂絲水雲錄云垂絲海棠柔枝長蒂垂英向下是也此花既多葉而色尤嬌石湖以為類小蓮花信然便民圖纂云春間攀其枝著地以土壓之自生根二年鑿斷三月移栽此指貼梗然今人多不用壓直於根內分栽分時在正月中浣花雜誌曰壓枝必在秋分移栽必在春分鑿根則不拘

時候如三月間移栽恐難活西府於梨樹花紅樹上接垂絲於櫻桃樹上接或云西河柳亦可接然未試驗二種接換各就其花之似者故易活瑣碎錄云冬至日早以糟水澆根下則花盛而色鮮又云海棠候花謝結子即翦去來年花盛而無葉明周文華致富全書閩中曹宇修貢堂下海棠極盛三面共二十四叢長條脩幹頃所未見每春著花真錦繡段其間有如紫綿揉色者亦有不如此者蓋其種類不同不可一槩論也至其花落則皆若宿妝淡粉矣余三春對此觀

之至熟大率富沙多此官舍人家往往皆種之並是帚子海棠正與蜀中者相類斯可貴耳今江浙間別有一種柔枝長蒂顏色淺紅垂莢向下如日蕙者謂之垂絲海棠全與此不相類蓋強名耳宋陳思海棠譜海棠大抵數種又時小異惟其盛者則重葩疊萼可喜非有定種也始濃稍淺爛若錦章北方所植率枝強花瘠殊不可玩故蜀之海棠誠為天下所奇艷云宋宋祁益部方物畧記海棠品類甚多曰垂絲曰西府曰棠梨曰木瓜曰貼



梗就中西府最佳而西府之名紫綿者尤佳以其色重而瓣多也此花特盛於南都余所見徐氏西園樹皆參天花時至不見葉西園木瓜尤異定是土產所宜耳垂絲以櫻桃木接開久甚可厭第最先花與玉蘭同時植之傍掩映不可廢也貼梗草本郡城中種之極高大當訪求種法以備一種紫綿宋小說苕溪漁隱叢話備載之明王敬美學圃雜疏海棠欲花盛而鮮須冬至日用糟水澆根下世謂海棠無香惟西蜀潼川府昌州海棠獨香成都人謂海

棠為花尊貴之也明李詡戒菴漫筆

牡丹榮辱志重葉海棠曰花命婦多葉海棠曰花戚里賈耽以為花中神仙曾端伯以為名友明王思義三才圖會子美於蜀不賦海棠此未必有別意亦偶不及之耳且詩中花譜不及之者亦多何獨海棠也自鄭谷有子美無情為發揚之語而宋人動以為口實至謂子美母名海棠者不知出於何書亦可謂穿鑿之甚矣

明謝肇淛五雜組

海紅

一名海棠梨

本草綱目

一名川紅

潛確居類書

一名名

友三才圖會


一名蜀客

西溪叢語

果屬

海紅

一



海紅

飲膳正要果類有海紅不知出處此即海棠梨之實也狀如木瓜而小二月開紅花實至八月乃熟鄭樵通志云海棠子名海紅即爾雅赤棠也明李東璧本草綱目謹按海紅與赤棠其種別也

棠之稱甚衆若詩有蔽芾甘棠又曰有杖之杜又爾雅釋木曰杜甘棠也郭璞注今杜赤棠白者棠又呂氏春秋果之美者棠實又俗說有地棠棠梨沙棠味如李無核較是數說俱非謂海棠也凡今草木以海

爲名者西陽雜俎云唐贊皇李德裕嘗言花名中之帶海者悉從海外來故知海櫻海柳海石榴海木瓜之類俱無聞於記述豈以多而爲稱耶又非多也誠恐近代得之于海外耳又杜子美海櫻行云欲栽北苑不可得惟有西域胡僧識若然則贊皇之言不誣矣海棠雖盛稱於蜀而蜀人不甚重今京師江淮尤競植之每一本價不下數十金勝地名園目爲佳致而出江南者復稱之曰南海棠大抵相類而花差小色尤深耳棠性多類梨核生者長遲速十數年方有

花都下接花工多以嫩枝附梨而贅之則易茂矣種宜墟壤膏沃之地其根色黃而盤勁其木堅而多節其外白而中赤其枝柔密而脩暢其葉類杜大者縹綠色而小者淺紫色其紅花五出初極紅如臙脂點點然及開則漸成纈暈至落則若宿妝淺粉矣其蒂長寸餘淡紫色於葉間或三萼至五萼爲叢而生其蕊如金粟蕊中有鬚三如紫絲其香清酷不蘭不麝其實狀如梨大若櫻桃至秋熟可食其味甘而微酸茲棠之大槩也

沈立海棠記

海棠其種不一鐵梗者色如臙脂垂絲者色淺花譜云海棠有色無香唐人以如花中神仙春間攀其枝著地土壓之自生根二年鑿斷二月移栽便民圖纂謹按致富全書以此為壓貼梗法然海紅亦用此自能生根

浣花雜誌曰壓枝必在秋分移栽必在春分鑿根則

不拘時候如三月間移栽恐難活明周文華致富全書

海棠候花謝結子翦去來年花盛無葉郭橐駝種樹書

澆法冬日以糟水澆根下則來年花色鮮艷或云糖

水又酒脚亦可清沉賦名花譜

養花法如折海棠插瓶當薄荷水養之則花鮮同上

海紅枝條如木瓜花深紅色興化府志

吳中復詩卻恨韶華偏蜀土更無顏色似川紅江左

謂海棠為川紅明陳仁錫潛確居類書

雙株海棠者余秦中時見也其高皆數十尺修然在

衆花之上與夫江淮所產絕不類矣或說荆南官舍

亦有兩株見徐節孝集○明慎懋官華夷花木續考

海棠花盛於蜀中而秦中者次之蓋其株修然如出

塵高步俯視衆芳有超群絕類之勢而其花甚豐其  
葉甚茂其根甚柔望之甚都綽約如處女婉婉如純  
婦人非若他花冶容不正有可犯之色蓋花之美者  
海棠也視其色如淺絳而外英數點如深臙脂此詩  
家所以為難狀也見徐節孝集○同上

南海棠

一名貼幹海棠本草綱目一名闌地錦寧波府志一名  
貼梗海棠同上一名攔地錦常熟縣志一名祝家桃  
群芳譜一名鐵梗海棠便民圖纂

俗名復絜山城州

南海棠

南海棠本性無異惟枝多屈曲數數有刺如杜梨花

亦繁盛開稍早長春備用○宋陳思海棠譜

南海海棠枝多屈曲有刺如杜梨花繁盛開稍早四

季花灌生花紅如臙脂無大木即貼梗又曰祝家桃

花同西府跗微堅明王蓋臣二如亭群芳譜

海棠單葉深紅者曰鐵梗便民圖纂云鐵梗者色如

臙脂松江府志云磬口深紅綴枝作花者名貼梗海

棠則又名貼梗矣貼梗與木瓜花相似而不結子故

木瓜亦冒海棠之名，木瓜葉粗花先開，貼梗葉細花

後開，以此為別。明周文華致富全書

關路錦，即貼梗海棠。寧波府志

攔地錦，花絳色，朶如海棠，四時皆有花，獨盛於春。常熟縣志

縣志


二月間將貼梗海棠攀枝著地，以肥土壅之，自能生根。來冬截斷，春半移栽，以櫻桃接之，則成垂絲，以棠梨接之，則成西府。以木瓜頭接之，則成白色，欲其鮮盛，于冬至日侵晨，以糟水或酒腳澆根下，復翦去花

子，則來年花茂而無葉。清石巖逸叟增定致富奇書

鐵梗海棠，色如硃紅。黃氏木本花鳥譜

海棠有數種，貼梗其一也。叢生單葉，綴枝作花，磬口深紅，無香不結子，新正即開，但取其花早而艷不及西府之嬌媚動人。二月間于根傍開一小溝，攀花著地，以肥土壅之，自能生根。來冬截斷，春半便可移栽，其樹最難大，故人多植作盆玩。近法皆不用壓，直於根上分栽，而分必須正月中浣，性不喜肥，頗畏寒，宜避霜雪，亦有四季花者。清陳湜子秘傳花鏡






山海棠

一名紅棠梨

天台山  
方外志

果屬 山海棠 一



山海棠

山海棠土人謂之紅棠梨有下如梨樹大者上花開如紅

梅紅杏天台山  
方外志

棠梨

一名杜爾 一名甘棠上同 一名棠上同 一名杜梨  
郭璞爾 一名白棠毛詩草木鳥 一名野梨群  
雅註 一名加冬梨閩書 一名鬼客三柳軒  
譜 一名加冬梨閩書 一名鬼客三柳軒

俗名革他柰識州加賀

棠梨

棠梨野梨也。樹如梨而小，葉似蒼木，亦有圓者。三义者，邊皆有鉅齒，色黝白。二月開白花，結實如小棟子。霜後可食，其樹接梨甚佳。處處有之，有甘酢赤白二種。陸璣詩疏云：白棠甘棠也。子多酸美而滑。赤棠子澀而酢，木理亦赤，可作弓材。明王蓋臣二如亭群芳譜

棠梨爾雅曰杜，甘棠又曰杜，赤棠白者棠。郭璞注曰：今之杜梨。詩曰：蔽芾甘棠。毛云：甘棠，杜也。詩義疏云：今甘棠梨一名杜梨，如梨而小，味酢可食也。唐詩曰：

有杖之杜毛云杜即棠也與白棠同但亦有赤白美惡子赤白色者為白棠甘棠也酢滑而美赤棠子澀而酢無味赤棠木理赤可作弓幹案今棠葉有中染絳者有惟中染土紫者杜則全不用其實三種則爾雅毛郭以為同未詳也明徐光啓農政全書

齊民要術曰棠熟時收種之否則春月移栽八月初天晴時摘葉薄布曬令乾可以染絳必候天晴時少摘葉乾之復晴則摘慎勿頓收若遇陰雨則澀澀不堪染絳也成樹之後歲收絹一百疋亦多種利乃勝桑也○同上

孝子傳伊伯奇採楸花以為食注楸花山梨也山梨今名棠梨其花春開採之日乾淪之可充蔬明楊升菴文集

棠梨木宜鐫書赤者尤良江陰縣志

棠梨泉人名加冬梨閩書

棠一名棠棣即棠梨也樹如梨而小葉似蒼木亦有圓者三叉者邊有鉅齒色黝白二月開小白花實如小棟子生青熟紅亦有黃白者土人呼為山楂果味酸而澀採之入藥兼可製為糖食取花日乾淪之亦可充蔬若以此接換梨或林檎與西府海棠氣質極

其相宜

清陳湜子  
秘傳花鏡

謹按棠棣即山楂也非棠梨其種各別合以為一  
誤也花鏡又云山楂一名茅榘樹高數尺葉似香  
薷二月開白花結實有赤黃白三色肥者如小林  
檜小者如指頂九月乃熟味似榘子而微酢多生  
於山原茅林中猴鼠喜食小兒以此為戲果蓋諛  
不辨二物也

棠梨花纖嬌如梨而香韻遜之用以接梨最大清沉  
賦名

花譜


庶物類纂果屬卷之十七目次

木瓜

棋榘

榘梲

山楂子



木瓜

一名楸爾雅 一名鐵腳梨清異錄

俗名革賴復絜山州城

果屬 木瓜

木瓜

木瓜可種可接可以枝壓其葉光而厚其實如小瓜而有鼻津潤味不木者為木瓜圓小於木瓜味木而酢漚者為木桃似木瓜而無鼻大於木桃味漚者為木李亦曰木梨即楨榼及和圓子也鼻乃花脫處非臍蒂也木瓜性脆可蜜漬之為果去子蒸爛擣泥入蜜與薑作煎冬月飲尤佳木桃木李性堅可蜜煎及作糕食之木瓜燒灰散池中可以毒魚說出淮南萬畢術又廣志云木瓜枝一尺有百二十節可為數號



明李東壁  
本草綱目

木瓜一名楸一名鐵腳梨樹如柰叢生枝葉花俱如  
鐵腳海棠可種可接可以條壓葉光而厚春未開  
花紅色微帶白作房實如小瓜或似梨稍長皮光  
色黃上微白如著粉津潤不木者為木瓜香而甘  
酸不澀食之益人醋浸一日方可食生不堪嚼處  
處有之山陰蘭亭尤多而宣城者為佳本州以充  
土貢故有宣州花木瓜之稱西洛木瓜味和美至  
熟青白色入藥絕有切勝宣州者味淡性酸溫無  
毒去溼和胃強筋

骨治脚氣霍亂大吐下轉筋不止

明王蓋臣二  
如亭群芳譜

羅天益寶鑑云劉太保日食蜜煎木瓜三五枚同伴  
數人皆病淋以問天益益曰此食酸所致也但不食  
則已同上

農桑通訣曰木瓜種子及栽皆得壓枝亦生栽種與  
桃李同法秋社前後移栽至次年率多結實勝春栽  
者明徐光啓  
農政全書

宣城人種時最謹始實則簇紙花薄其上夜露日曝  
漸而變紅花文如生本州以充土貢故有天下宣城

花木瓜之稱同上

詩疏義曰欲啖者截著熱灰中令萎焉淨洗以苦酒頭汁蜜之可案酒食密封藏百日乃食之甚美凡腰腎脚膝者服食不宜闕以蜜漬食亦堪益入蜜漬之法先切皮煮令熟著水中拔去酸味卻以蜜熬成煎藏之又宜去子爛蒸搗作泥入蜜與薑作煎飲用冬月尤美夫木瓜得木之正故入筋試以鉛霜塗之則失醋味受金之制也五行相尅之義於此益亦可驗此果既能愈疾又宜飲啖兼用有益誠可貴焉陶弘景曰木瓜最療轉筋如轉筋時但呼其名及書上作木瓜字皆愈此

理亦不可解俗人挂木瓜杖云利筋脉也同上

木瓜葉如鐵梗海棠而大花亦似之至春未發葉先開花深紅色圖經本草曰木瓜處處有之宣城尤佳其木狀似柰其花生於春末而深紅色其實大者如瓜小者如拳爾雅謂之楸郭璞云實如小瓜味酢可食不可多無損亦無益宣州人種時尤謹遍滿山谷始實成則簇紙花傳其上夜露日暴漸而變紅花紋如生用以充土貢其大枝可作杖謂策之利筋脈根葉煎湯淋足脛則無癢疾又截其木乾之作桶以濯

足陶隱居云如轉筋時但呼其名以手指作書木瓜二字於患處即愈誠不可解衍義曰木瓜得木之正故入筋以鉛霜塗之則失醋味受金之制也此物入肝故益筋與血病腰腎脚膝無力不可闕也爾雅翼曰其木可以為材故取幹之道木次之又可毒魚齊孝北伐庫莫奚至天池以木瓜灰毒魚農桑撮要云八月栽木瓜秋社前後移栽之次年便結子勝如春間栽者壓之亦生栽種與桃李法同霜降後摘取凡用勿犯鐵器王氏農書蜜漬木瓜法先用竹刀切

去皮煮令熟浸水中拔去酸味卻以蜜熬成煎藏之又宜去子爛蒸搗作泥入蜜與薑作煎飲用冬月尤

美明周文華致富全書

木瓜性益下部若脚膝筋骨有疾者必用焉故萬家

號為鐵脚梨宋陶穀清異錄

木瓜樹高丈餘葉厚而光狀如海棠及柰春深未發葉先有花其色深紅微帶白實大如瓜小者如拳皮黃似薯粉香最幽甜而津潤有鼻者木瓜無鼻而濇者木李比木瓜小而酢澀者木桃惟木瓜香而可食

宣州人種滿山谷每實將成好事者鏤紙花黏瓜上  
 夜露日照漸變紅花色矣其文如生本州用充土貢  
 名為花木瓜樹可以子種亦可接壓在秋社前後移  
 栽者較春栽更盛耳畏日喜肥更宜大糞清陳湜子  
秘傳花鏡  
 顧安中廣德軍人久患腳氣筋急腿腫行履不得因  
 適湖州附船中有一袋物為腿酸痛遂將腿閣袋上  
 微覺不痛及筋舒而不急乃問梢人袋中何物應曰  
 宣木瓜自此腳氣頓愈夫藥氣相感且能愈疾湯液  
 用之取效可知清曹溪釋傳傑  
內外雜症要方

楨榘

- 一名木李詩經 一名蠻榘西京雜記 一名瘞榘本草拾遺
- 一名木梨埤雅 一名榘梨興化府志 一名香榘物理小識

俗名骨華里莫山城州

檳櫨

檳櫨一名蠻櫨一名瘡櫨一名木李一名木梨木葉  
 花實酷類木瓜比木瓜大而色黃有鼻者為木瓜無  
 則木李可浸酒去痰壓取汁和甘松玄參末作溼香  
 能爽神寘衣箱殺蠹蟲煨食止痢煮汁飲治霍亂轉  
 筋浸油梳頭治髮白髮赤鼻乃花脫處○明王蓋臣二如亭群芳譜  
 木李大於木桃似木瓜而無鼻其品又下木桃亦或  
 謂之木梨梨蓋聲之誤也鼻即瓜之脫華處里俗呼  
 之為味其著華處乃臍也魚龍河圖曰瓜有兩蒂兩

鼻者殺人則鼻與蒂異矣木瓜性脆木李性堅今人以蜂飴漬之者取木瓜煎之者取木李徐氏曰瓜有瓜瓠桃有羊桃李有雀李此皆枝蔓也故言木瓜木桃木李以別之也明吳元化毛詩鳥獸草木攷凡物有相感者出于自然非人智慮所及皆因其舊俗而習知之今唐鄧間多大柿其初生澀堅實如石凡百十柿以一槓楂置其中槓梓亦可則紅熟爛如泥而可食土人謂之烘柿者非用火乃用此爾淮南人藏鹽酒蟹凡一器數十蟹以阜夾半挺置其中則可藏

經歲不沙一作損至於薄荷醉貓死貓引竹之類皆世俗常知而翡翠屑金人氣粉犀此二物則世人未知者余家有一玉罌形製甚古而精巧始得之梅聖俞以為碧玉在潁州時嘗以示僚屬坐有兵馬鈴轄鄧保吉者真宗朝老內臣也識之曰此寶器也謂之翡翠云禁中寶物皆藏宣聖庫庫中有翡翠盞一隻所以識也其後予偶以金環於罌腹信手磨之金屑紛紛而落如硯中磨墨始知翡翠之能屑金也諸藥中犀最難擣必先鎊屑乃入衆藥中擣之衆藥篩羅已

盡而犀獨在余偶見一醫僧元達者解犀為小塊子方一寸半許以極薄紙裹置於懷中使近肉以人氣蒸之候氣薰蒸液洽乘熱投口中急擣應手如粉因知人氣之能粉犀也然今醫工皆莫有知者

宋歐陽文忠公

歸田錄

檀黎花淺紅其實如黎味酸澀置一枚於枳間枳自熟故曰烘枳

興化府志

謹按爾雅檀黎曰鑽之郭註檀似黎而酢澀蓋檀黎二果名也興化志以檀黎為一物名也

榲檀本草圖經曰木葉花實酷類木瓜大而黃欲辨之者蒂間別有重蒂如乳者為木瓜無此者為榲檀也又榲梲注云似檀子而小圖經曰榲梲大抵類檀但膚慢多毛味尤甘今此土所產者不過如桃杏大與木瓜殊不相亂乍食酢澀味之轉甘豈所謂榲梲者與

重修鎮江府志

香檀色黃生壓汁和玄參甘松作溼香秋分後根側分小條種之喜陰喜肥

清皖桐方氏物理小識

楹棹

俗名埋而眉而  
山城州

果屬 楹棹



榲桲

榲桲今關陝有之沙苑出者更佳其實太抵類榧但

膚慢而多毛味尤甘其氣芬馥置衣笥中亦香本草圖經

榲桲食之須淨去上浮毛不爾損人肺花亦香白色

諸果中惟此多生蟲少有示虫者宋寇宗奭本草衍義

榲桲蓋榧榧之類生於北土者故其形狀功用皆相

彷彿李珣南海藥錄言關中謂林檎為榲桲按述征

記云林檎佳美榲桲微大而狀醜有毛其味香關輔

乃有江南甚希觀此則林檎榲桲蓋相似而二物也

李氏誤矣明李東璧本草綱目

榲桲一名榲子綠色多毛且香多生蟲去臭辟衣魚生北土似櫛而小明錢允治食物本草校註

謹按榲桲榲子二物也合而為一誤矣

榲桲出關陝沙苑者更佳似榲子而小氣香辟衣魚樹如林檎花白味甘食之宜淨去毛恐損肺不宜多

食同車螯食發疝氣明王蓋臣二如亭群芳譜

唐鄧間多大柿初生澀堅實如石凡百十柿以一榲榲置其中則紅爛如泥而可食榲桲亦可代榲榲用

此歐公歸田錄所載但江南人不識榲桲世南侍親

官蜀至梁益間方識之大者如梨味甜而香用刀切

則味損而黑凡食時先以巾拭去毛以巾包於柱上

擊碎其味甚佳蜀人以榲桲切去頂剗去心納檀香

沉香末并麝少許覆所切之頂線縛烝爛取出候冷

研如泥入腦子少許和勻作小餅燒之香味不減龍

宋張世南游宦紀聞

各鎮戍鎮守內官競以所在土物進奉謂之孝順陝

西有木實名榲桲肉色似桃而上下平正如柿其氣



甚香其味酸澀以蜜制之歲為進貢然終非佳味也  
太監王敏鎮守陝西時始奏罷之省費頗多敏本漢  
府軍餘善蹋鞠宜廟愛而闢之常熟知縣郭南上虞  
人虞山出栗粟民有獻南者南亟命種者悉拔去云  
異日必有以此殃害常熟之民者其為民遠慮如此  
因類記之 明陸深豫章漫抄  
關陝楹梓木如林檎鐵梗棠而花白綠色其實似楮  
但膚慢而多毛 清皖桐方氏物理小識

山楮子

- 一名枕爾雅 一名繫梅同上 一名赤爪唐本草 一名
- 羊棣同上 一名鼠楮同上 一名棠毬子本草圖經 一名
- 赤棗子桂海虞衡志 一名山裏果兒本草救荒 一名山
- 裏紅同上 一名映山紅同上 一名茅楮子重修江府志
- 一名棠棣子群芳譜 一名糖毬子本草會通 一名酸
- 棗百一方 一名鼻涕團同上 一名猴楮危氏得一方
- 名山棠棣衛生易簡方

山榲子

山榲一名棠棣子，一名山裏果，一名羊棣，一名猴榲，  
 一名鼠榲，一名茅榲，一名繫梅，一名杔子，一名赤瓜，  
 子味似榲，故名榲。杔之名見于爾雅，有二種，生山中，  
 樹高數尺，多枝柯，葉有五尖，色青背白，極間有刺，三  
 月開小白花，五出實有赤黃二色，肥者如小林檜，小  
 者如指頂，九月熟，核狀如牽牛子，色白微映紅，甚堅，  
 滁州青州者佳。古方罕用，自朱丹溪用之，名始著。今  
 為消滯要藥，語云山榲有爛肉之功，小者味酸，為棠

杔子茅榼猴榼堪入藥肥大者為羊杔子可作果食

明王蓋臣二  
如亭群芳譜

製用取熟者蒸爛去皮核及內白筋白肉搗爛加入白糖以不酸為度微加白礬末則色更鮮妍入籠蒸至凝定收之作果甚美兼能消食○又蒸爛熟去皮核用蜜浸之頻加蜜以不酸為度食之亦佳○聞有以此果切作四瓣加薑鹽拌蒸食又一法也○入藥者切四瓣去核曬乾收用○山榼酒山榼熟時擇擘去蟲洗淨控乾搗半碎每缸用三斗隨添黍米少許

亦可以甑蒸半熟取出攤冷入大麴半塊燒酒一斤拌如常法其味甘淡不醉入極消食積同上

北人雖有黎而不甚珍之且畏其性寒多熟而啖昔人謂得哀家黎亦復蒸食者是已至於菱藕之類亦皆熟食山榼彌滿山谷什九為童稚翫弄之具惟閩人得之能去其滓煎作琥珀色所謂楚有才而晉用之者也明謝肇淛五雜俎

山榼子樹高三四尺莖有刺葉微有刻缺如菊葉實圓如林檎狀而小生青熟紅亦有黃色者土人呼為

茄榿邵武府志

榿子汀人取之為榿糕汀州府志

山榿土人謂棠毬又名山裏果又名茅榿子重修鎮江府志

山榿一名茅榿樹高數尺葉似香薷二月開白花結

實有赤黃白三色肥者如小林檜小者如指頂九月

乃熟味似榿子而微酢多生於山原茅林中猴鼠喜

食小兒以此為戲果清陳湜子秘傳花鏡



